




土岐文庫

文庫17

W72

5

-00



60

55

50

文庫 17

W72

5

雲間張景星評選

重訂元詩別裁集

務本堂藏板

光緒二十六年二月一日
寄贈

010185194278

元詩別裁 目蘇天爵文類詩以下不及
數家或傳或徵追我

朝顧太史廣搜博採秀野草堂所刻號
為極富然意主於脩一代之文獻雖稍
已汰繁蕪而存雅正若乃別裁去取精
之又精俾學者由是而之焉循元詩盛
軌弗墜唐音而溯源於風騷漢魏則猶
有待也人謂元詩纖弱遜宋此未究元

元詩別裁集

人大全遽為一方之論也遺山未嘗仕
元而臣手開先冠絕於時固不必言至
如趙虞楊范皆卓然成家為正宗晉卿
道傳代興無愧其餘騁奇鬪麗不一而
足掇錦囊之逸落嗣玉溪之芳韻又非
獨雁門鐵崖已也蓋宋詩末流之弊也
為粗率為生硬元詩則反是欲採宋詩
流弊舍元曷以哉讀百一鈔風風乎洋

洋乎氣格聲調進乎古矣正變以攬諸
公之長故不隘出人畧以三唐為準故
不濫殆韋相序又元集所云金盤餐沈
瀝花界食醍醐者耶學者由是而之焉
循元詩盛軌弗墜唐音而溯源於風騷
漢魏則是鈔豈惟足以供咏吟資擇摛
而已時

乾隆甲申嘉平月耐菴沈鈞德序

元詩別裁集目錄

卷一 五言古

元好問 十首

戴表元 一首

黃庚 一首

趙孟頫 二十首

貢奎 一首

虞集 一首

揭傒斯 二首

黃潛 一首

薩都刺 一首

貢師泰 二首

迺賢 一首

吳師道 三首

元詩別裁集目錄

香齋別集

周權三首

許謙一首

余闕一首

陳高二首

周伯琦一首

陳基二首

張憲一首

楊維禎一首

倪瓚十首

王逢一首

錢選一首

陳孚二首

何中十首

傅若金二首

黃清老二首

劉詵二首

戴良五首

謝應芳一首

甘復二首

李序一首

卷二 七言古

元好問九首

尹廷高一首

郝經二首

馬祖常一首

曹伯啓一首

虞集三首

范梈二首

揭傒斯二首

黃潛一首

薩都刺四首

香齋別集

二

宋元二首 迺賢一首

吳萊一首 吳師道一首

卷三 七言古

周權一首 岑安卿一首

胡天游一首 周伯琦一首

張憲三首 楊維禎二首

張昱一首 倪瓚一首

周霆震一首 楊奐一首

陳孚二首 傅若金一首

王士熙一首 成廷珪二首

劉永之一首 謝應芳一首

汪克寬一首 朱希晦一首

周砥一首

卷四 五言律

元好問四首 方回一首

戴表元一首 黃庚四首

尹廷高一首

趙孟頫二首

袁楠一首

馬祖常一首

貢奎一首

許有壬一首

虞集一首

范梈一首

揭傒斯二首

黃潛三首

柳貫四首

薩都刺六首

宋元五首

張翥一首

迺賢一首

吳師賢一首

周權二首

方淵一首

虞琦一首

黃鎮成一首

周伯琦三首

張憲一首

倪瓚四首

郭鈺二首

葉顥一首

丁鶴年一首

白珽一首

龔璘一首

吾邱衍一首

楊奐一首

何中五首

傅若金三首

雅琥一首

成廷珪三首

劉詵一首

薛漢一首

吳景奎一首

曹文勝一首

郊韶二首

劉永之 一首

金涓一首

麻草一首

盧摯一首

陳德永一首

潘純一首

許恕一首

瞿智一首

卷五 七言律

元好問六首

劉因二首

牟嘯一首

戴表元二首

方夔三首

熊鈇一首

陳深一首

表易三首

郝經二首

王惲一首

程鉅夫一首

吳澄一首

元淮一首

趙孟頫十首

袁 桷 二首

馬祖常 三首

張養浩 一首

虞 集 三首

楊 載 三首

范 梈 一首

揭傒斯 二首

黃 潛 五首

柳 貫 六首

薩都刺 五首

宋 元 一首

陳 旅 二首

張 翥 五首

貢師泰 四首

廸 賢 一首

謝宗奇 一首

吳師道 一首

周 權 二首

袁士元 一首

黃鎮成 一首

鄭元祐 一首

周伯琦 二首

陳 基 一首

張 憲 一首

楊維禎 六首

卷六 七言律

張 昱 六首

倪 瓚 六首

郭 鈺 三首

王 逢 七首

元言身表集卷之四目錄

葉顥一首

錢惟善一首

段克己一首

段成己一首

仇遠五首

白斑一首

楊果一首

陳孚四首

鄧文原二首

李材一首

何中一首

于石四首

傅若金十三首

宋本一首

宋駿四首

王士熙二首

雅琥一首

成廷珪三首

黃清老一首

丁復一首

韓性一首

郊韶二首

劉永之一首

謝應芳二首

朱希晦一首

麻革一首

楊雲鵬一首

陳普一首

郭麟孫一首

柯九思二首

李裕一首

吳訥一首

元言身表集卷之四目錄

方行一首

潘純一首

周砥一首

周棊二首

許恕二首

陸仁一首

卷七 五言排律

五言絕 七言絕

馬祖常二首

楊載一首

宋无一首

陳旅一首

周伯琦一首

王逢一首

陳孚一首

傅若金二首

雅琥一首

李裕一首

卷八 五絕 七絕

元好問四首

辛嶽一首

揚侯斯一首

薩都刺二首

龔璠一首

高克恭一首

郭翼一首

元好問六首

李俊民二首

劉因一首

方回一首

黃庚一首

耶律楚材一首

劉秉忠二首

許衡一首

元淮一首

趙孟頫二首

趙雍二首

袁楠一首

許有壬一首

楊載一首

范梈二首

歐陽系一首

薩都刺三首

宋元二首

周權二首

朱德潤一首

洪希文一首

王翰一首

鄭元祐一首

倪瓚一首

顧瑛二首

陳孚一首

高克恭一首

郭天錫一首

傅若金一首

王士熙四首

吳鎮一首

黃公望一首

黃清老一首

王冕一首

鄭韶一首

貢性之四首

朱希晦一首

曹之謙一首 周馳一首

繆鑑一首 柯九思一首

彭炳一首 汪澤民一首

陳秀民一首 高明一首

周砥一首

補遺

五古

趙孟頫一首 范梈一首

揭傒斯一首 黃潛七首

柳貫一首 貢師泰一首

迺賢一首 周權一首

余闕二首 鄭祐一首

郭麟孫一首 盧摯一首

何九思一首 高明二首

周砥一首 倪瓚一首

葉頤一首 陳孚一首

詩言易卷之二 上全

何中一首

七古

馬祖常一首

范梈一首

揭傒斯一首

薩都刺二首

張翥一首

許謙一首

陳基一首

張憲二首

卞思義一首

潘純一首

楊維禎一首

張昱一首

郭珏一首

五律

方夔一首

黃潛二首

周權一首

余闕一首

陳高一首

倪瓚一首

何中一首

七律

黃庚一首

張卷浩一首

元詩別裁集 目錄

十一

元詩集卷之二

虞集 二首

楊載 一首

黃潛 二首

薩都刺 一首

宋元 一首

張翥 一首

貢師泰 一首

廼賢 一首

吳師道 二首

許謙 一首

陳基 二首

馮子振 一首

陳雷 一首

張昱 一首

倪瓚 一首

吳景奎 一首

郭珏 一首

葉顥 二首

仇遠 一首

陳孚 二首

戴良 一首

周霆震 一首

錢惟善 二首

李孝光 三首

馬臻 一首

張雨 一首

七絕

柳貫 一首

薩都刺 三首

楊維禎 一首

惟則 一首

元詩集卷之二

三

冬

元詩別裁集卷一

姚培謙述齋

雲間張景星二銘點閱

王永祺補堂


五言古

箕山

元好問

幽林轉陰岨。為道人跡絕。許君棲隱地。惟
有太古雪。人間黃屋貴。物外祇自潔。

元詩別裁集卷一五言古



尚。馭。一。飄。噓。重。負。寧。所。屑。降。衷。均。義。稟。
汨。利。忘。智。決。得。隴。又。望。蜀。有。齊。安。用。薛。
千。戈。幾。蠻。觸。宇。宙。日。流。血。曾。連。蹈。東。海。
夷。齊。采。薇。蕨。至。今。陽。城。山。衡。華。兩。邱。壘。
古。人。不。可。作。百。念。肝。肺。熱。浩。歌。壯。風。前。
愔。愔。送。孤。月。

緱山置酒

同內翰馮文叔獻雷兄
希顏賦詩分韻得賓字

靈宮肅清曉。細栢含古春。人言王子喬。

鶴。馭。此。上。賓。白。雲。山。蒼。蒼。平。田。木。欣。欣。
登。高。覽。元。化。浩。蕩。融。心。神。西。望。洛。陽。城。
大。路。通。平。津。行。人。細。如。蟻。擾。擾。爭。紅。塵。
蓬。萊。風。濤。滾。鬢。毛。日。夜。新。殷。勤。一。杯。酒。
媿。爾。雲。間。人。

光武臺

東。南。地。上。游。荆。楚。兵。四。衝。遊。子。十。月。來。
登。高。送。長。鴻。當。年。赤。帝。孫。提。劍。起。蒿。蓬。

一顧潢水斷。再顧新都空。雷。霆。萬。萬。古。
青。天。看。飛。龍。巍。然。此。遺。臺。落。日。荒。煙。重。
誰。見。經。綸。初。指。揮。走。群。雄。白。水。日。夜。東。
石。麟。幾。秋。風。空。餘。廣。武。嘆。無。復。雲。臺。功。

潁亭留別

同李冶仁卿張肅子敬
王元亮子正分韻得畫

字

故人重分攜。臨流駐歸駕。乾坤展清眺。
萬景若相借。北風三日雪。太素乘元化。
九山鬱崢嶸。了不受陵跨。寒波淡淡起。
白鳥悠悠下。懷歸人自急。物態本閑暇。
壺觴負吟歎。塵土足悲咤。回首亭中人。
平林澹如畫。

潁亭

春物已清美。客懷自幽獨。危亭一徘徊。
儵然若新沐。宿雲淡野川。元氣浮草木。
微茫盡楚尾。平遠疑杜曲。生平遠遊賦。

吟諷心自足。竭來著世網。抑抑就邊幅。
人生要適情。無榮復何辱。乾坤入望眼。
容我謝羈束。一笑白鷗前。春波動新綠。

出京

史院得告歸
嵩山侍下

從宦非所堪。長告欣得請。驅馬出國門。
白日觸陰景。平生無根著。飄轉如斷梗。
一昨隨牒來。六月阻歸省。城居苦湫隘。
群動日蛙黽。慙媿山中人。團茅遂幽屏。
塵泥久相浣。夢寐見清潁。矯首孤雲飛。
西南路何永。

少林

雲林入清深。禪房坐蕭爽。登泉潔餘習。
高鳥喚長往。我無元豹姿。設有紫霞想。
回首山中雲。靈芝日應長。

劉曲龍潭

層冰積浩蕩。陵谷低吞吐。窈窕轉幽壑。

突兀開淨宇。回頭山水縣。亦復墮塵土。
孤雲鐵梁北。宇宙一仰俛。風景初不殊。
川塗忽修阻。寒潭海眼淨。黝黑白太古。
蟄龍何年臥。萬國待霖雨。誰能裂蒼崖。
雷風看掀舉。山中人歲旱則轉大石入潭中以駭龍瞬息致雨故

龍門雜詩

石樓繞清伊。塵土天所限。人言無僧久。
草滿不復刻。灘聲激悲壯。山意出高塞。
當年香山老。挂冠遂忘返。高情留詩軸。
清話入禪版。誰言海山去。蕭散仍在眼。
溪寒不可涉。倚杖西林晚。

曉發石門渡湍水道中

水經湍音專

疎星澹秋明。陰霞絢朝映。積雨成坐愁。
晨光動幽興。石門歸馭引。湍浦漁舫並。
曠蕩萬景新。歸藏四山靜。平湖風漪綠。

元言另表集卷一
遠岼秋沙淨。洋洋游魚逝。汎汎輕鷗泳。
隱顯乖夙心。感遇見真性。倦遊時自悼。
違已將安竟。憂端從中來。茫茫發孤詠。

宿福海寺

戴表元

新巖蒼龍角。汲流紫雲根。道人不絕俗。
自然無耳喧。屋脊挂修嶺。一日過千轅。
此中但高臥。松風有清言。聽之亦無有。
風定松在門。炊成我欲去。獨鶴鳴朝暾。

約王琴所不來舟中偶成

黃庚

清飈捲炎埃。碧水出秋素。迢迢見山亭。
回首隔煙霧。酒帘颺漁邨。笳鼓響軍戍。
倚篷問舟人。云是三江路。籬落雞欲棲。
野水牛已渡。釣翁吹荻烟。稚子收漁具。
抱琴人不來。殘陽在高樹。

張詹事遂初亭

趙孟頫

青山繚神京。佳氣溢芳甸。林亭去天咫。
萬狀爭自獻。年多嘉木合。春晚餘花殿。
雕闌留戲蝶。藻井語嬌燕。退食鳴玉珂。
爰于此終宴。鍾鼓樂清時。衣冠集群彥。
朝市塵得侵。圖書味方遠。紛華雖在眼。
道勝安用戰。初心良已遂。雅志由此見。
何事江海人。山林未如願。

題耕織圖二十四首奉懿旨撰

田家重元日。置酒會鄰里。小大易新衣。
相戒未明起。老翁年已邁。含笑弄孫子。
老嫗惠且慈。白髮被兩耳。杯盤且羅列。
飲食致甘旨。相呼團藥坐。聊慰衰莫齒。
田疇藉人力。糞壤要鋤理。新歲不敢閑。
農事自茲始。正月
東風吹原野。地凍亦已消。早覺農事動。
荷鋤過相招。遲遲朝日上。炊煙出林梢。

土膏脈既起。良耜利若刀。高低徧翻壅。宿草不待燒。幼婦頗能家。井臼常自操。散灰緣舊俗。門逕環周遭。所冀歲有成。

殷勤在今朝。二月

良農知土性。肥瘠有不同。時至萬物生。芽蘖由地中。秉耒向畝。忽徧西與東。舉家往于田。勞瘁在爾農。春雨及時降。被野何濛濛。乘茲各播種。庶望西成功。

培根利秋實。仰天望年豐。但使陰陽和。

自然倉廩充。三月

孟夏土加潤。苗生無近遠。漫漫冒淺陂。芄芄被長阪。嘉穀雖已殖。惡草亦滋蔓。君子與小人。竝處必為患。朝朝荷鋤往。薈薈忘疲倦。且隨鳥雀起。歸與牛羊晚。有婦念將飢。過午可無飯。一飽不易得。念此獨長歎。四月

仲夏苦雨乾。二麥先後熟。南風吹隴畝。
惠氣散清淑。是為農夫慶。所望實其腹。
酤酒醉比鄰。語笑聲滿屋。紛然收穫罷。
高廩起相屬。有周成王業。后稷播百穀。
皇天貽來年。長世自茲卜。願言仍歲稔。

四海盡蒙福五月

當。晝。耘。水。田。農。夫。亦。良。苦。赤。日。背。欲。裂。
白。汗。灑。如。雨。匍。匐。行。水。中。泥。淖。及。腰。背。
新。苗。抽。利。劍。割。膚。何。痛。楚。夫。耘。婦。當。饑。
犇。走。及。亭。午。無。時。暫。休。息。不。得。避。炎。暑。
誰。憐。萬。民。食。粒。粒。非。易。取。願。陳。知。稼。穡。
無。逸。傳。自。古。六月

大火既西流。涼風日淒厲。古人重稼穡。
力田在匪懈。郊行省農事。禾黍何旆旆。
碾以他山石。玉粒使人愛。大杞須築盛。
一一稽古制。是為五穀長。異彼稊與稗。

炊之香且美。可用享上帝。豈惟足食人。
一飽有所待。七月

白露下百草。莖葉日紛委。是時禾黍登。
充積徧都鄙。在郊既千廛。入邑復萬軌。
人言田家樂。此樂誰可似。租賦以輸官。
所餘足儲峙。不然風雪至。凍餒及妻子。
優游茅檐下。庶可以卒歲。太平元有象。
治世乃如此。八月

大家饒米麪。何啻百室盈。縱復人力多。
舂磨常不停。激水轉大輪。磴碾亦易成。
古人有機智。用之可厚生。朝出連百車。
莫入還滿庭。勾稽數多寡。必假布算精。
小人好爭利。晝夜心營營。君子貴知足。
知足萬慮輕。九月

孟冬農事畢。穀粟既已藏。彌望四野空。
藁結亦在場。朝廷政方理。庶事和陰陽。

所以頻歲登不憂旱與蝗置酒燕鄉里
尊老列上行肴羞不厭多魚羔復烹羊
縱飲窮日夕為樂殊未央禱天祝聖人
萬年長壽昌十月

農家值豐年樂事日熙熙黑黍可釀酒
在牢羊豕肥東鄰有一女西鄰有一兒
兒年十五六女大亦可笄財禮不求備
多少取隨宜冬前與冬後昏嫁利此時

但願子孫多門戶可扶持女當力蠶桑
男當力耘耔十一月

一日不力作一日食不足慘淡歲云莫
風雪入破屋老農氣力衰偃僂腰背曲
索絢民事急晝夜互相續飯牛欲牛肥
芟葉亦預蓄蹇驢雖劣弱挽車致百斛
農家極勞苦歲豈恒稔熟能知稼穡艱
天下自蒙福十二月

右耕

正月新獻歲。最先理農器。女工竝時興。
蠶室臨期治。初陽力未勝。早春尚寒氣。
窓戶當與密。勿使風雨至。田疇耕耨動。
敢不修耒耜。經冬牛力弱。相戒勤飯飼。
萬事非預備。倉卒恐不易。田家亦良苦。
舍此復何計。正月

行春凍初解。陽氣方滿盈。旭日照原野。

萬物皆欣榮。是時可種桑。插地易抽萌。
列樹徧阡陌。東西各縱橫。豈惟籬落間。
採葉憚遠行。大哉皇元化。四海無交兵。
種桑日已廣。彌望綠雲平。匪惟錦綺謀。
祇以厚民生。二月
三月蠶始生。纖細如牛毛。婉孌閨中女。
素手握金刀。切葉以飼之。擁紙散周遭。
庭樹鳴黃鳥。發聲和且嬌。蠶飢當採桑。

何暇事遊遨。田時人力少。丈夫方種苗。
相將挽長條。盈筐不終朝。數口望無寒。

敢辭終歲勞。

三月

四月夏氣清。蠶大已屬眠。高首何昂昂。
蛾眉復娟娟。不憂桑葉少。徧野如綠煙。
相呼攜筐去。迢遞立遠阡。梯空伐條枚。
葉上露未乾。蠶飢當早歸。秉心靜以專。
飭躬修婦事。僦勉當盛年。救忙多女伴。

笑語方喧然。

四月

五月夏以半。谷鶩先弄晨。老蠶成雪繭。
吐絲亂紛紛。伐葦作薄曲。束縛齊榛榛。
黃者黃如金。白者白如銀。爛然滿筐筥。
愛此顏色新。欣欣舉家喜。稍慰經時勤。
有客過相問。笑聲聞四隣。論功何所歸。
再拜謝蠶神。

五月

釜下燒桑柴。取繭投釜中。纖纖女兒手。

言男表集卷一
抽絲疾如風。田家五六月。綠樹陰相蒙。
但聞繰車響。遠接邨西東。旬日可經絹。
弗憂杼軸空。婦人能蠶桑。家道當不窮。
更望時雨足。二麥亦稍豐。酤酒田家飲。

醉倒嫗與翁。六月

七月暑尚熾。長日弄機杼。頭蓬不暇梳。
揮手汗如雨。嚶嚶時鳥鳴。灼灼紅榴吐。
何心娛耳目。往來忘僮僕。織為機中素。

老幼要紉補。青燈照夜梭。蟋蟀窓外語。
辛勤亦何有。身體衣幾縷。嫁為田家婦。
終歲服勞苦。七月

池水何洋洋。漚麻水中央。數日庶可取。
引過兩手長。織絹能幾時。織布已復忙。
依依小兒女。歲晚嘆無裳。布襦不掩脛。
念之熱中腸。朝緝滿一籃。莫緝滿一筐。
行看機中布。計日漸可量。我衣苟已成。

不憂天早霜八

季秋霜露降。凜凜寒氣生。是月當授衣。
有布織未成。天寒催刀尺。機杼可無營。
教女學紡纆。舉足疾且輕。舍南與舍北。
嚶嚶聞車聲。通都富豪家。華屋貯娉婷。
被服雜羅綺。五色相間明。聽說貧家女。
惻然當動情。九

豐年禾黍登。農心稍逸樂。小兒漸長大。

終歲荷鋤耒。目不識一字。每念心作惡。
東隣方迎師。收拾令上學。後月日南至。
相賀因舊俗。為女裁新衣。修短巧量度。
龜手事塞向。庶禦北風虐。人生真可嘆。

至老長力作。十

冬至陽來復。草木漸滋萌。君子重其然。
吾道自此亨。父母坐堂上。子孫列前榮。
再拜稱上壽。所願百福并。人生屬明時。

四海方太平。民無札瘥者。厚澤敷羣情。
衣食苟給足。禮義自此生。願言興學校。
庶幾教化成。十一月十一

忽忽歲將盡。人事可稍休。寒風吹桑林。
日夕聲颼颼。牆南地不凍。墾掘為坑溝。
所桑埋其中。明年芽早抽。是月浴蠶種。
自古相傳流。蠶出易脫殼。絲績亦倍收。
及時不努力。知有來歲不。手凍不足惜。

異免號寒憂。十一月十二

右織

題陳氏所藏著色山水圖

貢奎

獨臥曉慵起。夢中千萬山。推窓煙雲滿。
一笑咫尺間。嫋嫋美人妝。金碧繁笄鬟。
素波淨如鏡。綠蘋點溪灣。美哉筆墨工。
貌此意度閒。孤禽立圓沙。漁舟遠來還。

我方厭闌市。坐對忘朝餐。安得林下扉。
深居長掩關。

赤城館

虞集

雷起龍門山。雨灑赤城觀。蕭騷山木高。
浩蕩塵路斷。魚龍喜新波。燕雀集虛幔。
開戶微風興。倚杖衆雲散。

山水卷

揭傒斯

稍稍雲木動。藹藹煙峰亂。遠浦引歸橈。
雙岬臨絕岫。方思隱淪客。欲結漁樵伴。
水澗山更遙。幽期空汗漫。

重餞李九時毅賦得南樓月

娟娟臨古戍。晃晃辭煙樹。寒通雲夢深。
白映蒼祠莫。胡牀看逾近。楚酒愁難駐。
雁背欲成霜。林梢初泣露。故人明夜泊。
相望定何處。且照東湖歸。行送歸舟去。

游西山同項可立宿靈隱西菴

黃潛

薄游猷人境。振策窮幽躅。理公所開鑿。
遺跡在巖麓。秋杪霜葉丹。石面寒泉綠。
仰窺條上猿。攀蘿去相逐。物情一何適。
人事有羈束。却過狝峰迴。遙望松林曲。
前山夜來雨。濕雲漲崖谷。縹緲辨朱甍。
禪房帶修竹。故人丹邱彦。抱被能同宿。
名篇聊一詠。異書欣共讀。蹉跎未聞道。

龜勉尚干祿。夙有邱壑期。吾居幾時卜。

秋日池上

薩都刺

顧茲林塘幽。消此閑日永。飄風亂萍踪。
落葉散魚影。天清曉露涼。秋深藕花冷。
有懷無與言。獨立心自省。

遣懷

貢師泰

日入柳風息。月上花露多。東軒頗幽敞。
夜靜時一過。鳥散庭中樹。蟲鳴階下莎。

北斗何低昂。踈星沒橫河。獨賞誰晤語。
感慨成悲歌。懷哉巖桂臺。邈在姑山阿。

姑孰道中

朝發慈姥山。莫宿吳公橋。日入氣猶溽。
清懷厭煩囂。隔江風雨至。綠樹涼蕭蕭。
鄰舟頗相好。有酒忽見招。明發波浪濶。
相望一何遙。

賦環波亭送楊校勘歸豫章

季子

廼賢

積水敞華構。參差帶幽壑。微風動輕蘋。
綠雲泛珠箔。天空夕陰歛。川迴游鱗躍。
徘徊滄洲夢。露下翠衾薄。公子屬鳴珮。
逍遙陟延閣。微吟省樹移。緩步庭花落。
放舟返春渚。言恣林泉樂。揮觴靡可留。
悵望青山郭。

德興開化道中三首

詩

卷一五古

七

吳師道

春晨氣澄穆。雜卉香滿路。百舌鳴高林。墟煙淡如霧。農夫啓門出。在野各有務。行人獨何為。憧憧自來去。

宿雲逗疎雨。耿耿吐晨旭。晴光動千花。霞雪眩川谷。白鷗戲深叢。黃鳥鳴灌木。俛仰竟忘疲。歷此溪百曲。

兩崖蒼石間。湍水激清瀉。山桃爛紅芳。光影連上下。春風忽怒起。意乃媚行者。飛花撲人來。攬之欲盈把。

夏日偕友晚步飲聽泉軒

周權

終日局環堵。散策窮深幽。嘉我二三子。落落誠罕儔。適意隨所詣。行行遂經邱。青松如高人。含風自蕭颼。夕雲度深翠。爽氣衣上浮。石根瀉幽泉。戛戛鏘琳球。

樂彼泉上趣。幽構飛岑樓。新蘭秀而滋。
舊竹清且修。欸我情頗厚。清尊頻獻酬。
盤桓有餘樂。嘯傲成遲留。池深風露香。
荷意澹欲秋。飲散衆喧息。微月生林陬。

接竹引泉

蒼潤隱石脈。幽源迸山椒。連筒入雲竇。
勢接河漢遙。引茲一線秋。高下穿林梢。
聯絡裊相挂。旋折不辭勞。挽之歸我廬。

晴雨注屋茆。乍室或細細。久續俄嘈嘈。
空階落琴筑。虛甕鳴鈞韶。鹽滬足自潔。
心迹良已超。固無鼎釜珍。頗煮溪澗毛。
未能學許由。厭喧解風瓢。

湘中

天寒楚雲淨。木落湘山幽。空江夜來雨。
水滿蘆花洲。西風何渺渺。滄波日悠悠。
有懷誰與言。注目孤鴻秋。

莫過東津館

許謙

薄暮下東津。灘急舟劇箭。漁燈互明滅。
隴月時隱見。清颼從東來。涼氣襲我面。
目送兩山青。天長淨如練。

歲首自廣陵入高郵舟中作

陳高

壯風吹湖水。遠行當歲徂。孤舟無同人。
相依唯僕夫。遥睇高郵城。彷彿十里餘。
落日去地遠。飛雁與雲俱。悠悠思故鄉。
邈在天南隅。慈親倚門望。我身猶道途。
羈旅豈足恤。但念骨肉疎。何當脫行路。
歸臥山中廬。

種槿花

炎方有槿樹。衣被代蠶桑。舍西得閒園。
種之漫成行。苗生初夏時。料理晨夕忙。
揮鋤向烈日。灑汗成流漿。培根澆灌頻。

元詩別表集卷一
高者三尺強。鮮鮮綠葉茂。燦燦金英黃。
結實吐秋蘭。皎潔如雪霜。及時以收斂。
采采動盈筐。緝治入機行。裁翦為衣裳。
禦寒類挾纊。老稚免淒涼。豪家植花卉。
紛紛被垣牆。于世竟何補。爭先翫芬芳。
棄取何相異。感物增惋傷。

野狐嶺 嶺界南北甚寒南
下平地則暄矣

周伯琦

高嶺出雲表。白晝生虛寒。冰霜四時凜。
星斗咫尺攀。其陰控朔部。其陽接燕關。
澗谷深叵測。梯磴紆百盤。坳坳埤草披。拂
崎陘石嶺。屹輪躑紛雜。逕我馬習以安。
恍然九天上。熙熙俯人寰。連岡東重隘。
拱揖猶城垣。停鞭履平地。回首勢望尊。
縣衣遂頓減。長途汗流羶。亭柳蔭古道。
園果登御筵。境雖居庸北。物色幽薊前。

元詩別表集卷一五古

三

始悟一嶺隔氣候殊寒暄小邑名宣平。
相距兩舍間牛羊歲蕃息土沃農事專。
野人敬上官柴門莫欵延休養嘉承平。
禹迹遠古光漢唐所羈縻今則同中原。
大哉輿地圖垂創何其難張皇我六師。
金湯永深堅

分署望鳳凰山 陳基

秋氣日以佳微雲不成雨青山天際來。
與我為賓主飛龍及舞鳳突兀在庭戶。
須臾霧靄收草樹粲堪數寥予麋鹿姿。
詎意嬰圭組感縮匪天真驅馳漫塵土。
偶坐屬無喧晴容湛空宇欲去復踟躕。
此意誰當與

夏夜懷李尚志

蟋蟀已在壁煩暑猶未歇離居感時序。
憂端難斷絕綠樹含微風明河湛秋月。

念子行未歸。徘徊至明發。

胡姬年十五。擬劉越石

張憲

胡姬年十五。芍藥正含葩。何處相逢好。
并州賣酒家。面開春月滿。眉抹遠山斜。
一笑既相許。何須羅扇遮。

送客洞庭西

楊維禎

送客洞庭西。雷堆青兩兩。陳殿出空明。

吳城連蒼莽。春隨湖色深。風將潮聲長。
楊柳讀書堂。芙蓉採菱漿。懷人故未休。
望望欲成往。

春日雲林齋居

倪瓚

池泉春漲深。迢迢夕陰滿。諷詠紫霞篇。
馳情華陽館。晴嵐拂書幌。飛花浮茗盃。
階下松粉黃。窗間雲氣暖。石梁蘿葛垂。
翳翳行踪斷。非與世相違。冥棲久忘返。

述懷

讀書衡茅下。秋深黃葉多。原上見遠山。
被褐起行歌。依依墟里間。農叟荷篠過。
華林散清月。寒水澹無波。遐哉棲遁情。
身外豈有它。人生行樂耳。富貴將如何。

丙子歲十月八日夜泊閩門將還

溪上有懷友仁陸徵君

明發辭吳會。移舟夜淹泊。空宇垂繁星。
微雲暝前郭。沉沉抱冲素。悄悄傷離索。
歸掃松逕苔。遲君踐幽約。

戊寅十二月丹邱柯博士過林下

賦詩次韻酬答

積雪被長坂。臥疴守中林。山川雖云阻。
舟楫肯見尋。傾蓋何必舊。相知亦已深。
驚風飄枯條。清池冒重陰。聯翩雙黃鵠。
飛鳴綠水潯。顧望思鬱紆。徘徊發悲吟。

願言齊羽戩金石固其心。歡樂何由替。
黃髮期滿簪。

已卯正月十八日與申屠彥德遊

虎邱得客字

余適偶入城。本是山中客。舟經二王宅。
弔古覽陳迹。松陰始亭午。嵐氣忽斂夕。
欲去仍裴徊。題詩滿苔石。

寄李隱者

南汀新月色。照見水中蘋。便欲乘清影。
緣源訪隱淪。君住鈿山湖。綠酒松花春。
夢披寒雪去。疑是剡溪濱。

對酒

題詩石壁上。把酒長松間。遠水白雲度。
晴天孤鶴還。虛亭映苔竹。聊此息躋攀。
坐久日已夕。春鳥聲關關。

早春對雨寄懷張外史

林臥苦泥雨。憂來不可絕。掀幃望天際。
春風吹木末。飛蘿散成霧。細草綠如髮。
念子獨高世。南山修隱訣。撫弄無絃琴。
招邀青天月。神安形不凋。跡高行自潔。
思之不可見。飢渴何由歇。願為鸞鶴翔。
南游拂松雪。

秋夜歎

王逢

大星芒鬣張。小星光華開。皇天示兵象。
勝地今蒿萊。河岳氣不分。燭龍安在哉。
參贊道豈謬。積陰故遲回。踈風夜蕭蕭。
野燐紛往來。安知非遊魂。相視白骨哀。
汨汨飲馬窟。雲冥望鄉臺。于時負肝膽。
慷慨思雄材。

題浮玉山居園

錢選

瞻彼南山岑。白雲何翩翩。下有幽棲人。
嘯歌樂徂年。叢石映清泚。嘉木澹芳妍。

元言身老集卷一
日月無終極。陵谷從變遷。神襟軼寥廓。
興寄揮五絃。塵影一以絕。招隱奚足言。

煙寺晚鐘

陳孚

山深不見寺。藤陰鏤修斲。忽聞疎鐘聲。
白雲滿空谷。老僧汲水歸。松露墮衣綠。
鐘殘寺門掩。山鳥自爭宿。

春風如少年。效程漢翁

何中

春風如少年。狂逐無定處。垂楊曲江隄。
細草東郊路。祇言今似昔。不悟新非故。
流水何時歸。殘鶯數聲暮。

招仙觀

逶迤溪南路。窈窕招仙客。空堂兩道人。
殘碁映深竹。一葉響疎籬。雙鴉繞高屋。
出門隨歸人。遠燒在山麓。

知非堂夜坐

詩刊我集卷一

元

元詩別表集卷一
前池荷葉深。微涼坐來爽。人歸一犬吠。
月上百蟲響。余非冷隱淪。隙地成偃仰。
林端斗柄斜。撫心獨悽愴。

遊樂安穆山寺

秋陰出南郭。佳色來遠山。悠然渡野水。
却宿前林間。朝氣銳幽步。相攜上孱顏。
行穿綠蘿遠。共愛青杉閒。已窮高原路。
忽得雙石闌。飛煙帶香氣。深木藏幽潺。
景晏鐘磬寂。桂花滿苔斑。道人一尊酒。
時聽風珊珊。多悟從此始。塵緣諒能刪。
空廊對微雨。亦復不知還。

發新塗金水亭

振衣上野航。回首謝山阪。日澹秋水空。
風清片帆遠。沙光侵岼發。峰影隨人轉。
前渡煙水深。離亭路今緬。

曉發辭夫磯。時李洞漑之友先行。

元言易表集卷一
秋暗雞鳴邨平。皋下殘月參差鄰舫語。
櫓聲帶潮發露華望中白。篷陰散秋髮。
沙鳥知曙鳴海雲上空滅。念我前行友。
青山已飛越。遲爾及相攜。無嗟賞心歇。

照武西塔山報恩寺

山椒敞禪肩。幽欣失微倦。密林稍深沉。
新筍亦葱蒨。磴折迎空香。臺虛得清轉。
芸芸趨前塵。徃徃遺勝踐。始知佛力宏。
能使地靈見。市聲俯一席。山色照三面。
郡小覽易窮。興高賞難徧。微生諒何緣。
周流散遐睎。

早起

覺來日已升。花梢衆禽語。何許白浮萍。
池間散還聚。起見梅已空。夜來幾更雨。
魚行春到水草暖。香在露溪上人語喧。
樵薪滿沙路。

元言吳老集卷之九
三
林嶺甚可愛。溪源無盡時。山花已亂發。
煙暖東風遲。因與采樵者。坐談樹陰移。
日斜自歸緩。我興非人知。

櫪溪

樟樹鎮五公寺

夕幽厭拘維。暫弛欣舒散。近闕得禪扉。
擇步歷蒼蘚。沉沉松陰重。灑灑水光遠。
殘花起餘香。乳禽響新嘯。虛廊清晝長。

高僧坐談簡。學空素所昧。慮妄還自遣。
移晷始知歸。生煙滿林晚。

和趙德隆秋夕雨 傅若金

落景翳重城。陰凝起初夕。蕭條飛雨至。
散漫輕飈激。洒幌靜彌多。喧簷暴復息。
清商亂急管。遙怨生離席。游子恒念鄉。
氣淒感時易。旣興壯風歎。亦抱南山戚。
晨雞不廢度。征雁無寧翼。嚮道乖夙期。

寸陰違所惜。詠歌良可興。幽懷坐填積。

題宜春鍾清卿清露軒

清卿能琴

秋氣集太虛。夕光溥高樹。時聞陰液墜。暗識商飈度。旋旋星動林。英英月霏霧。涼肩息塵想。幽琴寄元悟。寂歷松上聲。逍遙邱中趣。鈞天澹斜景。銀漢藹微素。古調今所稀。大音誰能喻。仙人飲沆瀣。壽命金石固。千歲不可期。空歌徒延慕。

訪子威都事不遇

黃清老

清曉抱綠綺。來就夫君彈。夫君久已出。野水流花間。石澗度微雨。秋生湖上山。松陰坐永日。心與雲俱閒。人事有離合。白鷗聊共還。

福山菴

晨光海上來。雲氣升萬壑。雞鳴落花中。殘鐘度城郭。菴僧戴星出。我自飯藜藿。

示言易表身
寧知天地心。但有山水樂。書燈夜搖動。
霧氣侵几閣。開扉得新月。欲掩見棲雀。
煙霞暫相違。筆硯庶有託。但留松間雪。
付與雙白鶴。庭柯換故葉。林竹脫新籜。
何日芟草開。擘舟赴前約。

送范主一憲郎

劉詵

庸夫老邱里。志士輕山川。古來環轍人。
徃徃皆才賢。范君繡衣家。白壁生藍田。

清游半朔南。征衫積濤煙。崇臺交辟剡。
思親理歸船。吳州肯暫駐。風概傾四筵。
揮毫走秋蛟。吐句紆春漣。清霜淨江波。
水花寒更妍。權謳催客發。風正帆始懸。
翩翩鳳皇翎。終當儀九天。

出野初冬

鄰舂五更動。機杼響俱發。薄霜厲曾宇。
天西輾孤月。驛馬嘶不已。壁蛩鳴乍歇。

言另表集卷一
故人期不來。山莊多落葉。

贈別呂用明

戴良

旅雁薄霄遊。輕鷗掠水飛。相逢多間阻。
所向有高卑。偶此風雨過。解后洲渚湄。
翩翩形影亂。噉噉鳴聲悲。日落水氣寒。
月高風景移。矧繳發中流。又復夜驚離。
回翔空有志。棲宿定何時。飄飄天衢上。
往慎子毛衣。

贈別祝彥明

悵望臨荒蹊。驅馳騁遐步。江紆練月初。
山標綵霞莫。天長路易迷。水深舟難渡。
征人去不息。倦僕立相顧。此時悲送君。
安能髮不素。

抵富陽宿縣治作

戾戾風蕩波。鱗鱗雲出岵。乘輶臨安道。
指景富春郭。是節春已暮。遙塗寒尚薄。

升陽對人掩。傾潤灑衣落。解鞍憩危巖。
倚劍望幽壑。飢禽聲固慘。哮虎勢尤惡。
既暝入公署。息念坐塵閣。俯思還浦魚。
仰憶迴風鶴。以之念鄉縣。臨觴不能酌。

宿高密

長途跋且涉。征車馳復息。曉旦發東膠。
落景次高密。城居不幾戶。驛舍僅容膝。
僕馬立空曠。徒侶話曛黑。客情既牢落。

世議復紛惑。前險雖幸過。後艱方未測。
骨月在遠道。親朋皆異域。縱云當別家。
胡乃輕去國。明朝望鄉處。嗚咽淚霑臆。

湖下對雨有懷天淵老禪

空濛暗遙甸。浙瀝響高樹。乍繁林表來。
復灑重湖去。瀟瀟孤興發。望望寒川莫。
念與道人期。雲深不知處。

倪元鎮過婁江寓舍因偕智愚隱

言身表集卷一
遊姜公墩得如字 謝應芳
秋暑賈餘勇。懷抱方焚如。故人江上來。
風雨與之俱。遂令沸羹鼎。化為寒露壺。
幽尋陟崇邱。飄飄素霞裾。同遊得名繼。
吟嘯興不孤。大樹倚高蓋。小酌歡有餘。
三江五湖上。群峰開画图。獨憐我鄉土。
煙塵尚模糊。安知艱虞世。得此暇日娛。
一笑百慮忘。松風奏笙竽。

宿山家

甘復

木落秋滿山。窓虛夜涼集。風吹海月生。
露洗苔衣溼。野客愛清冷。長瓢暝中汲。

曉出西園由谷中歸

披褐入西園。煩襟散清曉。微風動高樹。
零露下芳沼。始行幽谷中。忽出青林杪。
流水漂餘花。修筠度啼鳥。身緣翠石迴。
思逐白雲杳。負杖孤賞懷。春闌綠陰悄。

遠愁曲

李序

桃杏忽已殘。穠花逐流水。綠階日色重。
芳草青靡靡。飛燕銜落花。春風共吹起。
飄散不相知。愁心滿千里。

元詩別裁集卷二

姚培謙述齋

雲間張景星二銘點閱

王永祺補堂

七言古

遊黃華山

元好問

黃華水簾天下絕。我初聞之雪溪翁。丹
霞翠壁高歡宮。銀河下濯青芙蓉。昨朝

一遊亦偶爾。更覺摹寫難。為功是時氣。
節已三月。山木赤立。無春容。湍聲洶洶。
轉絕壑。雪氣凜凜。隨陰風。懸流千丈。忽
當眼。芥蒂一洗。平生胸。雷公怒激。散飛
雹。日脚倒射。垂長虹。驪珠百斛。供一瀉。
海藏翻倒。愁龍公。輕明圓轉。不相礙。變
見融結。誰為雄。歸來心魄。為動蕩。曉夢
月落春山空。手中仙人九節杖。每恨勝

景不得窮。攜壺重來。巖下宿。道人已約

山櫻紅

王右丞雪霽捕魚圖

江雲澹澹。陰晴半。沙雪離離。點江岸。畫
中不信有天機。細向樹林枯處看。漁浦
移家媿未能。扁舟蕭散亦何曾。白頭歲
月黃塵底。笑殺高人王右丞。

泛舟大明湖 待杜子不至

長白山前繡江水。展放荷花三十里。看
山水底山更佳。一堆蒼煙收不起。山從
陽邱西來青。一彎天公擲下半玉環。大
明湖上一杯酒。昨日繡江眉睫間。晚涼
一櫂東城渡。水暗荷深若無路。江妃不
惜水芝香。狼籍秋風與秋露。蘭襟鬱鬱
散芳澤。羅襪盈盈見微步。晚晴一賦畫
不成。枉著風標誇白鷺。我時驂鸞追散

仙。但見金支翠蕤相後先。眼花耳熱不
稱意。高唱吳歌叩兩舷。喚取樊川搖醉
筆。風流聊與付他年。

湧金亭示同遊諸君

太行元氣老不死。上與左界分山河。有
如巨鼇昂頭西入海。突兀已過餘坡陀。
我從汾晉來。山之面目腹背皆經過。濟
源盤谷非不佳。煙景獨覺蘇門多。湧金

亭下百泉水。海眼萬古留。山阿甌沸瀼。
水源滄淪晉溪波。雲雷涵鬼物。窟宅深
蛟鼉。水妃簸弄明月瓊。地藏發泄天不
訶。平湖油油碧於酒。雲錦十里翻風荷。
我來適與風雨會。世界三百漫堯羅。山
行不得山北望。空長哦。今朝一洗衆峰
出。千鬟萬鬢高峨峨。空青斷石壁微茫。
散煙蘿。山陽十月未搖落。翠蕤雲旂相
盪摩。雲煙故為出。濃淡魚鳥似欲留。婆
娑石間仙人跡。石爛跡不磨。仙人去不
返。六龍忽蹉跎。江山如此不一醉。拊掌
笑殺孫公和。長安城頭烏尾訛。并州少
年夜枕戈。舉杯為問謝安石。蒼生今亦
如卿何。元子樂矣君其歌。

天門引

秦王宮中不得近。從破衡成欲誰信。白

頭遊客困咸陽。顛賴黃金百斤盡。海中
仙人黃鶴舉。大笑人間爭腐鼠。丈夫何
意作蘇秦。六印才堪警兒女。古來多為
虛名老。不見阿房淨如埽。千年虎豹守
天門。一日牛羊臥秋草。

湘夫人詠

木蘭芙蓉滿芳洲。白雲飛來北渚游。千
秋萬歲帝鄉遠。雲來雲去空悠悠。秋風
秋月沅江渡。波上寒煙引輕素。九疑山
高猿夜啼。竹枝無聲墮殘露。

西樓曲

游絲落絮春漫漫。西樓曉晴花作團。樓
中少婦弄琵琶。一曲未終坐長歎。去年
與郎西入關。春風浩蕩隨金鞍。今年正
馬妾東還。零落芙蓉秋水寒。并刀不剪
東流水。湘竹年年淚痕紫。海枯石爛兩

言身若集卷之三
五
鴛鴦只合雙飛便雙死。重城車馬紅塵起。乾鵲無端為誰喜。鏡中獨語人不知。欲插花枝淚如洗。

望雲謠

涉江采芙蓉。芙蓉待秋風。登山采蘭若。蘭若霜早凋。美人亭亭在雲霄。鬱搖行歌不可招。湘絃沉沉寫幽怨。愁心歷亂如曳繭。金支翠蕤紛在眼。春草迢迢春波遠。

望歸吟

塞雲一抹平如截。塞草離離臥榆葉。長城窟深戰骨寒。萬古牛羊飲冤血。少年錦帶佩吳鉤。獨騎疋馬覓封侯。去時只道從軍樂。不道關山空白頭。北風吹沙雜飛雪。弓弦有聲凍欲折。寒衣昨夜洛陽來。腸斷空閨擣秋月。年年歲歲望還

家此日歸期轉未涯。誰與南州問消息。
幾時重拜李輕車。

蘆溝曉月

尹廷高

闌干滉漾晨霜薄。馬度石橋人未覺。滔
滔流水去無聲。月輪正挂天西角。千邨
萬落荒雞鳴。大車小車相間行。停鞭立
盡楊柳影。孤鴻滅沒青山橫。

賢臺行

古黃金臺也。土人稱為賢臺。

郝經

高臺突兀燕山碧。黃金泥多土猶濕。曉
日曛曛赤羽旗。燕王北面親前席。費盡
黃金臺始成。一朝拜隗人盡驚。誰知平
地幾層土。中有全齊七十城。禮賢復讎
燕始霸。遂與諸侯並。駕七百年來不
用兵。一戰轟然駭天下。二城未了昭王
殂。火牛突出騎劫誅。臺上黃金少顏色。

惠王空讀樂毅書。古來燕趙多奇士。用
舍中間定興廢。還聞趙括代廉頗。敗國
亡家等兒戲。燕子城南知幾年。臺平樹
老漫荒煙。莫言騏驥能千里。祇重黃金
不重賢。

桃源春曉圖

為商德符學士趙孟頫

宿雲初散青山濕。落紅繽紛溪水急。桃
花源裏得春多。洞口春煙搖綠蘿。綠蘿
搖煙挂絕壁。飛泉淙下三千尺。瑤草離
離滿澗阿。長松落落凌空碧。雞鳴犬吠
自成邨。居人至老不相識。瀛洲仙客知
仙路。點染丹青寄輕素。何處有山如此
圖。移家欲向山中住。

楊花宛轉曲

馬祖常

空中遊絲已無賴。宛轉楊花猶百態。隨
風撲帳拂香奩。度水點衣縈錦帶。輕薄

言身表集卷二
顛狂風上下。燕子鷺兒各新家。欵頭燼
墜玉蟲初。盆裏絲縑銀繭。乍欲落不落。
春沼平。無根無蒂。作浮萍。纈波繡苔。總
成婚。人間最好。是清明。清明艷陽三月
天。帝里煙花。市酒船。石橋橫直。人家好。
小海白魚。跳碧蒸榆莢。荷錢怨別離。不
似楊花。宛轉飛楊花。飛盡綠陰。合更看
明年春雨時。

陪諸公杖屨登梁王吹臺悠悠悼

古之情不能自已呈孟子周子文
二友

曹伯啓

天宇廓然秋已莫。幽人欲作登高賦。聯
鑣沽酒上繁臺。千古興亡一回顧。百鳥
喧啾塔半摧。荆榛掩映臺前路。黃花采
采未成歡。目斷荒城起煙霧。

張令鹿門圖

虞集

張侯襄陽人。深知襄陽樂。十年宦學懷
襄陽。故托豪縑寫山郭。老我不樂思蜀
都。人言嵩陽好隱居。三十六峯常對面。
水竹田廬還可圖。欲往不能心燥燥。忽
見新園被山惱。沙禽浦樹俱可人。金淵
石林為誰好。向來耆舊皆英雄。駕言從
之道。焉從美珠月冷識游女。沉劍潭深
知臥龍。八月霜晴水清淺。聞道扁舟足

迴轉何時古。寺傍檀溪幾處殘。碑在江
峴。呼鷹臺高秋草多。養魚池中蓮葉波。
蜀嵩未必不如此。我今不遊奈老何。張
侯張侯早結屋。莫待史詹為君卜。要看
隴上課兒耕。好在魚梁白沙曲。

家兄孟修父輸賦南還

大兄五月來作客。八年不見頭總白。五
人兄弟四人在。每憶中郎淚沾臆。我家

元言身表其卷二 十
蜀西忠孝門無田無宅惟書存兄雖莞
庫實父蔭弟竊微祿承君恩文章不如
仲氏好叔氏寡少今亦老五郎十歲未
知學嗟我何為長遠道諸兒讀書俱不
多又不加耕知奈何憂來每得二三友
看花把酒臨風哦蜀山嵯峨歸未得盤
盤先壠臨川側碧梧翠竹手所移應與
青松各千尺南風吹雪河始冰兄歸烏
帽何裊裊明年乞身向天子共讀父書
歌太平。

畫鶴

薛公少保昔畫鶴毛羽蕭條向寥廓通
泉縣壁久微茫故物都非况城郭長鳴
澗步貌閑暇解寫高情亦奇作田中芝
草日應長石上松花晚猶落赤壁江深
孤月小白雲野迴秋霄薄群帝相從絳

節朝八公許製黃金藥。誤嬰塵網迹易
迷。移名中洲夢如昨。借懸素壁。憶真侶。
忽有微風動林徑。碧虛寥寥積雪高直。
過蕭臺絕樓泊。

題李白印官湖

范梈

當時郎官奉使出咸京。仙人千里來相
迎。畫船吹笛弄綠水。何意芳洲遺舊名。
唐祠蕪沒知何代。惟有東流水長在。黎

侯獨起梁棟之。彷彿雲中昔軒蓋。南飛
越鳥北飛鴻。今古悠悠去住同。富貴何
如一。杯酒愁來無地酹。西風大別山高
幾千尺。隔城正與祠相值。青猿夜抱月
光啼。挂在東湖之石壁。黎侯本在斗南
家。枕戈猶自憶煙霞。祇擬將身報天子。
不負胸中書五車。昨者相逢玉闕下。別
來幾日秋瀟灑。黃葉當頭亂打人。門前

繫著青驄馬。君今歸去釣晴湖。我亦明年辭帝都。若過湖邊定相見。為問仙人安穩無。

王氏能遠樓

游莫羨天池鵬。歸莫問遼東鶴。人生萬事須自為。跬步江山即寥廓。請君得酒勿少留。為我痛酌王家能遠之。高樓醉捧勾吳匣。匣中劍斫斷千秋。萬古愁滄溟。

朝旭射燕甸。桑枝正搭虛窓面。崑崙池上碧桃花。舞盡東風千萬片。千萬片。落誰家。願傾海水溢流霞。寄謝尊前望鄉客。底須惆悵惜天涯。

夏五月武昌舟中觸目

揭傒斯

兩髯背立鳴雙櫓。短蓑開合滄江雨。青山如龍入雲去。白髮何人竝沙語。船頭

放歌船尾和篷上雨鳴篷下坐推篷不
省是何鄉但見雙雙白鷗過

高郵城

高郵城。城何長。城上種麥。城下種桑。昔
日鐵不如。今為耕種場。但願千萬年。盡
四海外為封疆。桑陰陰。麥茫茫。終古不
用城與隍。

陽山昱上人訪予吳門寓舍求為

湘竹詩予辭以未見竹上人。不遠
六十里。自山中舁其竹而來。好有
如此者。欣狀為賦長句。

黃潛

道人來自陽山麓。手攜舊種千竿竹。小
裁方斛不盈尺。中有瀟湘江一曲。未信
天工能爾奇。不知地脈從誰縮。晴窗脩
脩散煙霧。眼底森然立羣玉。豈期我乃

累此君蒙犯風埃走塵俗故山方遠重
愁絕新句未成慚迫促黃岡之產大中
椽政用材美剗其腹願言保此終天年
歲莫山中伴幽獨

燕姬曲

一作楊花曲

薩都刺

燕京女兒十六七顏如花紅眼如漆
蘭香滿路馬塵飛翠袖籠鞭嬌欲滴
春風淡蕩搖春心錦箏銀燭高堂深
繡衾不暖錦鴛夢紫簾垂霧沉沉
芳年誰惜去如水春困著人倦梳洗
夜來小雨潤天街滿院楊花飛不起

相逢行贈別舊交治將軍并序

予遷官出閩舟行抵興田驛二十里
許俄聞擊鳴金鼓應響山谷間隨見
旌旗導前兵卒衛後中有乘馬者毳
袍帕首徐行按轡屢目吾舟吾病久

元言身表集卷之二
氣餒不能無懼心也。頃之興田驛吏以行輿見逐，遂舍舟乘輿嚮之。旌旗兵卒移導輿前，馬從輿後，輿行馬鳴。途中未敢交一語。迫莫至邸舍，燭光之下，毳袍者進曰：「某乃建之五夫巡檢官。」聞使君至，候此將一月矣。某嘗三識使君面，自都門一別，今已五載。使君豈遺忘之耶？僕驚謝曰：「將軍何

人也？」答曰：「某即使君舊友雲中也。」熟視久之，恍如夢寐。雲中復能紀予闕下手采時否邪？歷歷關河舊遊如隔世。乃對燭光，夜道故舊，明日復同遊武夷九曲，煮茶酌酒，臨流賦詩，出入丹崖碧嶂間，心與境會。天趣妙發，長歌劇飲，相與為樂。酒闌興盡，秋風淒淒，落木雨下，閩關在望。復作遠行子

始見君而懼。次得君而喜。終會君而
樂。又得名山水以發揮。久別抑鬱之
懷。樂甚而復別。別而復悲。悲復總之
以思也。嗟夫。人生聚散。信如浮雲。地
北天南。會有相見。因賦詩。復為相逢
行以送之。

一年相逢在京口。笑解吳鉤換新酒。城
南桃花正開。白面青衫。鞭馬走一年。

相逢白下門。短衣窄袖呼郎君。朝馳燕
趙。莫吳楚。逸氣自覺凌青雲。一年相逢
在闕下。東家蹇驢日相假。有如臣甫去
朝天。泥滑沙隄不敢打。都門一別今五
年。今年相逢滄海邊。千山木葉下如雨。
雁聲墮地秋連天。將軍毳袍腰羽箭。擁
馬旌旗照溪面。小官不識將軍誰臥病。
孤舟強相見。豈知此地逢故人。摩挲老

海詩別集卷之三
眼開層雲舊遊歷歷似隔世夜雨豈不
思同羣郎君別後瘦如許無乃從前作
詩苦溪頭月落山館深翦燭猶疑夢中
語人生聚散亦有時且與將軍遊武夷
弓刀挂在洞前樹洞裏仙童來覓詩稽
首武夷君借我慢峰頂分我紫霞漿與
子連夜飲左手招子喬右手招飛瓊舉
觴星月下聽吹雙鳳笙我酌一杯酒持

勸天上月勸爾長照人相逢莫向關山
照離別鳳笙換曲曲未終天風木杪吹
晨鍾拂衣罷宴下山去又隔雲山千萬
重

織女圖

蘭閨織錦秦川女大姬啞啞弄機杼小
姬織倦何所思簾幙無人燕雙語成都
花發江水春門前馬嘶車鞞鞞鬢髮兩

玉看欲墮蛾眉八字畫不伸良人一去
無消息冰蠶吐絲成五色柔腸九曲細
於絲萬縷春愁正如織綺窓睡起聞早
鶯西樓月落金盤傾暖霞拂地海棠曉
香雪溼戶梨花晴日長深院機聲動梭
影穿花飛小鳳水心驚起鴛鴦飛花底
不成胡蝶夢纖纖玉指柔且和香鈎卜
鞦韆春羅滿懷心事付流水盪日雲錦

生層波佳人自古多命薄風裏楊花隨
處落豈知醜婦嫁田家生則同衾死同
椁君不聞長安市上花滿枝東家胡蝶
西家飛籠中鸚鵡喚新主門外侍兒更
故衣又不聞田家婦日埽春蠶宵織布
催租縣吏夜打門荆釵布裙夫短袴我
題此畫三嗟吁百年醜好皆虛無排雲
便欲叫閻闔為我獻上幽風圖

過嘉興

三山雲海幾千里。十幅蒲帆挂煙水。吳
中過客莫思家。江南畫船如屋裏。蘆芽
短短穿碧沙。船頭鯉魚吹浪花。吳姬盪
槳入城去。細雨小寒生綠紗。我歌水調
無人續。江上月涼吹紫竹。春風一曲鷓
鴒吟。花落鷓鴒啼滿城綠。

烏夜啼

宋 无

露華洗天天墮。水燭光燒雲半空。紫西
施夜醉芙蓉洲。金絲玉簧咽。清秋鼙鼓
鞭月行春雪。洞房花夢酣不迴。宮中夜
夜唳樓烏。美人日日歌吳飲。吳王國破
歌聲絕。鬼火青熒生碧血。千年壞塚耕
狐兔。烏銜紙錢挂枯樹。髑髏無語滿眼
泥。曾見吳王歌舞時。烏夜唳唳為誰身。
前歡樂身後悲。空留瑟怨傳相思。烏夜

帝別離

戰城南

漢兵鏖戰城南窟。雪深馬僵漢城沒。凍
指控弦指斷折。寒膚著鐵膚皸裂。軍中
七日不火食。手殺降人吞熱血。漢懸千
金購首級。將士銜枚夜深入。天愁地黑
聲啾啾。鞍下鬪體相對泣。偏裨背負八
十紉。破旗裹尸橫道旁。殘卒忍死哭空

城。露布獨有都護名。

答祿將軍射虎行并廼賢

答祿將軍世為乃蠻部主。歸國朝拜
隨穎萬戶。平金有功。事載國史。其出
守信陽射虎之事尤偉。曾孫與權舉
進士。為秘書郎官。與余雅善。間言其
事。因徵作歌。

將軍部曲瀚海東。三千鐵騎精且雄。久

知天命屬真主。奮身來建非常功。世祖
神謨涵宇宙。坐使英雄皆入彀。十年轉
戰淮蔡平。帳下論功封太守。信陽郭外
山嵯峨。長林大谷青松多。白額於菟踞
當道。城邊日落無人過。將軍聞之毛髮
豎。拔劍誓天期殺虎。彎弓走馬出東門。
傾城來看誇豪武。猛虎磨牙當路嗥。目
光睽睽斑尾搖。據鞍一叱雙鬣裂。鳥飛

木落風蕭蕭。金弰瑠弓鐵絲箭。滿月弦。
開。正當面。鵬翎射沒錦毛摧。崖石崩騰
腥血濺萬人歡。笑聲震天剖開一箭當
心穿。父老持杯馬前拜。祝公眉壽三千
年。將軍立功期不朽。奇事相傳在人口。
可憐李廣不封侯。却喜將軍今有後。承
平公子秘書郎。文場百步曾穿楊。咫尺
風雲看豹變。鳴珂曳履登朝堂。虎既剖
箭鏃正

貫于心中

風雨渡揚子江 吳萊

大江。西。來。自。巴。蜀。直。下。萬。里。流。吳。楚。我。
從。揚。子。指。蒜。山。舊。讀。水。經。今。始。覩。平。生。
壯。志。此。最。奇。一。葉。輕。舟。傲。煙。雨。怒。風。鼓。
浪。屹。於。城。滄。海。輸。潮。開。水。府。淒。迷。艷。瀕。
恍。如。見。滂。滉。扶。桑。杳。何。所。須。史。草。樹。皆。
動。搖。稍。稍。鼉。鼉。欲。掀。舞。黑。雲。鯨。漲。頗。心。

掉。明。月。貝。宮。終。色。侮。吟。倚。金。山。有。莫。鐘。
望。窮。采。石。無。朝。艣。誰。歎。鼓。齒。咒。能。神。或。
有。偃。身。言。莫。吐。向。來。天。塹。如。有。限。日。夜。
軍。書。費。傳。羽。三。楚。畸。民。類。魚。鼈。兩。淮。大。
將。猶。熊。虎。錦。帆。十。里。徒。映。空。鐵。鎖。千。尋。
竟。然。炬。桑。麻。夾。岸。收。戰。塵。蘆。葦。成。林。出。
漁。戶。寧。知。造。物。總。免。戲。且。攬。長。川。入。尊。
俎。悲。哉。險。阻。惟。白。波。往。矣。英。雄。幾。黃。土。

言別表集卷三
獨思萬載疏鑿功。吾欲持觴酌神禹。

桐廬夜泊

吳師道

合江亭前秋水清。歸人罷市無餘聲。燈
光隱見隔林薄。濕雲閃露青熒熒。樓臺
漸稀燈漸遠。何處吹簫猶未斷。淒風涼
葉下高桐。半夜仙人來絕巘。江霏山氣
生白煙。忽如飛雨洒我船。倚篷獨立久
未。民靜看水月。搖清圓。

